

# SARS yi riheriwa xikweleti xa R15m eka nkahakelo wa PAYE, VAT

**20 Mhawuri 2021** – Vukorhokeri bya Xibalo bya Afrika-Dzonga (SARS) byi kumile ahlulo wa xinawu na xileriso xa khoto xo khomanisa tinhundzu to suka eka miako leyi tsarisiweke ya khamphani ya malahla, Shefa Group, eka matshalatshala yo riheriwa xikweleti xa xibalo xa R15-million.

Xikweleti xa xibalo xi pfukile hikwalaho ko va muhakelaxibalo a rhumerile mitlheriso ya PAYE, VAT, UIF na SDL handle ko endla hakelo tanihileswi swi lavekisaka xiswona hi nawu, eka SARS. Lowu i nandzu wa vugevenga.

Khomixinara Edward Kieswetter u te: "SARS yi le ku tekeni ka magoza mo tika ehenhla ka tikhamphani leti susaka swibalo ku suka eka vatirhi no tsandzeka ku hakela swibalo leswi eka SARS, leswi ku nga xilaveko xa xinawu."

Khomixinara u engeterile leswaku swibalo leswi swi fanele ku hakeriwa eka nkwama naswona naswona a swi kona eka khamphani kumbe valawuri ku kuma mbuyelo wa munhu un'wana na un'wana kumbe bindzu.

U ye emahlweni a vula: "Emikarhini leyi yo pfuxa ikhonomi leyi leyi kanganyisiweke hi ku tika ka ntungu wa Covid -19, mfumo wu lava switirhisiwa hinkwaswo leswi wu nga swi kumaka ku pfuneta lava sweleke no khumbheka no nyika vevukiso wa xibalo eka tikhamphani leti landzelelaka nawu. Swikongomelo swa hina swa kungu swi le rivaleni. SARS yi ta endla swi olova eka vahakelaxibalo ku landzelela, kambe hi ta tlhela hi endla swi nonoha no durha eka vahakelaxibalo lava nga landzeleriki nawu lava tsandzekaka ku landzelela swiboho swa vona. Xendlo xa namuntlha, na matshalatshala ma hina lama ya ka emahlweni, i vumbhoni bya vutinyiketeri bya hina ku tsuvula tikhamphani leti nga landzeleriki nawu.